

docriver 文川网  
古籍书城  
入驻商家  
在文川网搜索古籍书城 获取更多电子书

# 臺灣文獻匯刊

第五輯 ◎ 第十六冊

湄洲嶼志略  
島居三錄

◎九州出版社  
◎廈門大學出版社

# 湄洲嶼志略

楊浚撰

《湄洲嶼志略》四卷，楊浚撰，光緒十四年（1888年）冠梅堂刊本。楊浚，字雪滄，泉州人。採諸典籍，收錄天后林默娘的種種相關文字，包括奏疏、藝文、真經、符呪、籤譜等，對天后生地湄洲及湄洲以外的宮廟、歷代祀典等亦有詳細介紹，兼及林默娘本傳、世系、侍從等，多關天后靈應事迹。

docsriver 文川网  
入驻商家 古籍书城

在文川网搜索古籍书城 获取更多电子书

湄洲嶼志略



光緒戊子季夏  
開雕呂澂題端

湄洲嶼志略序

天后志凡數刻以蛟川周氏所刊聖蹟圖志爲最備然語多重複體例未純茲擇要存之名曰湄洲嶼志略略之云者從簡明也已脫稿付寫官矣將赴鷺島前一日忽有持僧照乘所輯天后顯聖錄二卷來售版楮精工初刷本也遂命大兒輅五兒帷六兒輔檢校重增神若知予有此刻特厚貺焉光緒戊子重五節楊浚謹識時僑寓挹翠山館因紫陽講院重葺未竣工也

志略成謹擬五排十六韻呈唐蓉石前輩時爲予集刊費

海角生明月清輝見聖顏  
筭珈參吉蓼俎豆祀怡山  
古井仙官集前身大士班  
千絲治澤國一脈篤鄉關  
挂席帆能正投杯鐵不頑  
運修天水佐夢剔介谿姦  
斷柱羈雙宇迴風埽百蠻  
鯨江過客拜螺港使臣還  
每飯思君命匡居濟世艱  
燈光補暘谷香火遍塵寰  
白鹿依瓶鉢紅蜓繞佩環  
母儀來頃刻民隱繫憂患  
龍檄滔滔定鸞音納納頌  
堂廉尊地媪閭里識華鬢  
位冠娥英上書傳宛委閒  
鴻文紉石室盥手五雲攀

雪滄楊

浚未定草



湄洲嶼志略目錄

卷首

圖

卷一

山川

宮廟

傳略

世系圖

侍從

湄洲嶼志略

湄洲嶼志略

封號

卷二

祀典

卷三

志乘

奏疏

卷四

藝文

感應

叢談

附刻

真經

籤譜

湄洲嶼志略

湄洲圖




湄洲嶼志略



湄洲嶼志略



湄洲嶼志略



觀瀾





湄洲嶼志略





docsriver 文川网  
入驻商家 古籍书城

在文川网搜索古籍书城 获取更多电子书




湄洲嶼志略





湄洲嶼志略



湄洲嶼志略卷一

溫陵楊

浚雪滄輯

山川

湄洲嶼在縣東北七十里海中與琉球相望天后廟在

焉有黑白甄石可為碁子

見重纂福建通志

湄洲嶼若水之湄宋元閒多居民洪武初以句引番寇

遺禍地方守備都指揮李彝奏遷內地島嶼遂虛

湄洲在大海中與極了相望林氏靈女今號天妃者生於其上永樂閒中貴人曰三保者下西洋為建廟宇

海上大獲徵應云

華胥山在極了莆地之極復崛起而爲此山下有東西  
二澳民千餘家貿易輻輳吉了巡檢司在焉南日山  
水寨亦在焉其山與湄洲嶼隔海相望

賢良港在莆禧千戶所前有山如象形橫亘港上居民

數百家俗呼爲黃螺港

以上見弘治興化府志

湄洲嶼一名鯨江後與臺灣相望前與賢良港相對

湄有小嶼在旁流中神游其地適母遺以菜子油神卽  
傾地皆抽菜甲燦然青黃布滿山塍至今四時不絕



遂名爲菜子嶼

以上見  
天后志

宮廟

天后宮在城內左廂號文峯宮元至正十七年建初在白湖渡宋紹興閒建後改城中明萬厯元年邑人陳應魁重建國朝康熙二十年總督姚啟聖建三門及鐘鼓樓乾隆二十二年知府宮兆麟建後殿嘉慶八年知府馬夔陞知縣王鎬建三代堂二十二年副將徐慶超重建一在湄洲嶼廟卽神故居一在涵江下徐霞明境康熙四十七年建見重纂福  
建通志

湄洲天后宮，僅落落數椽，祈禱無虛日。後有商人三寶，捐金創建廟宇。宋仁宗天聖中，神光屢見，鳩貲拓地。明洪武七年，指揮周坐重建寢殿、香亭、鼓樓、山門，復塑寶像。又有張指揮建一閣於正殿左邊，名朝天閣。永樂初年，詔擴大廟宇，不時致祭。宣德六年，遣官修廟。國朝康熙二十二年，將軍施琅建梳妝樓及朝天閣、佛殿、僧房。見天后志

宋紹興二十七年丁丑秋，神來相宅，取莆城東之水，市民曰白湖。夢示童邵二族，丞相陳俊卿聞之，驗地果

吉興工創建廟宇，頃成。又嶼西某長者之子，夫婦善信，示夢擴地，廟貌一新。

宋元祐元年丙寅，莆東有墩常現光迹之一枯植也。漁人拾歸，植自還故處，再試亦然。後夢知為神，式憑制。榦李公聞之，募建廟，號為聖墩，闢田供祭祀云。

元符初，莆之南有地曰楓亭，其溪通津達海。戊寅潮長，時漂一銅鑪，寶光陸離，楓人收之，同夢神囑，爰備香花，奉至錦屏山下，建祠以祀。

傳略

採天后顯聖錄語

天妃莆林氏女也始祖唐林披公生子九俱賢當憲宗時九人各授州刺史號九牧林氏曾祖保吉公乃邵州刺史蘊公六世孫州牧圉公子也五代周顯德中爲統軍兵馬使時劉崇自立爲北漢周世宗命都檢點趙匡胤督戰於高平山保吉與有功焉棄官而歸隱於莆之湄洲嶼子孚承襲世勳爲福建總管孚子惟慤爲都巡官卽妃父也娶王氏生男一名洪毅女六妃其第六乳也二人陰行善樂施濟敬祀觀音大士父年四旬餘每念一子單弱朝夕焚香祝天願得

哲胤爲宗支慶歲己未夏六月望日齋戒虔讚大士當空禱拜曰某夫婦兢兢自持修德好施非敢有妄求惟冀上天鑒茲至誠早錫佳兒以光宗祧是夜王氏夢大士告之曰爾家世敦善行上帝式佑乃出丸藥示之云服此當得慈濟之貺既寤歆歆然如有所感遂娠二人私喜曰天必錫我賢嗣矣越次年宋太祖建隆元年庚申三月二十三日方夕見一道紅光從西北射室中晶輝奪目異香氤氳不散俄而王氏腹震卽誕妃於寢室里鄰咸以爲異父母大失所望

然因其生奇甚愛之自始生至彌月不聞嘔聲因命  
名曰默幼而聰穎不類諸女甫八歲從塾師訓讀悉  
解文義十歲餘喜淨几焚香誦經禮佛旦暮未嘗少  
懈婉變季女儼然窈窕儀型十三歲時有老道士立  
通者往來其家妃樂捨之道士曰若具佛性應得渡  
入正果乃授妃立微祕法妃受之悉悟諸要典十六  
歲窺井得符遂靈通變化驅邪救世屢顯神異常駕  
雲飛渡大海衆號曰通賢靈女越十二載道成白日  
飛昇時宋雍熙四年丁亥秋九月重九日也

docsriver 文川网  
入驻商家 古籍书城

在文川网搜索古籍书城 获取更多电子书

世系圖

始祖林名披		唐太子	莆田人	字茂彥			
州刺史	子九人	俱刺史	號九牧				
薦	藻	葦	著	曄	蒙	蘊	邁
官四子	官次子	官長子	官三子	官五子	官七子	官六子	官八子
字韶	字緯	字端	字小名友直	字舊名思	字舊名芄	字夢復	字舊名粵
刺史	刺史	刺史	刺史	刺史	刺史	刺史	刺史
口口	口口	口口	口口	口口	口口	口口	口口
	江	集				愿	



